

NOELEOIMG

Igag Gtjigos 25 itjel; thisip menoit-
omot Genisgamino Sesogoli tel os-
gitjinois ogsitgamog; negem eta Gtjin-
ligam ogoisot naoptigittjel, oeli Ngoti
Nesogotitog tapoðoei etilmo, Ojgeg
oetjigit, iaptjioðoei Gtjigelosogam te-
leg, Ogoisot ag Oetjioi Nisgamei te-
tpamogsittijel. Getoi ogsetaolgoeg el-
noasis. Malm nasgoelitet cgtelamilog
pesgonateg tesitjig gisi pgitgatgeg tep-
gonsetjig. Petlemg otantjigtog og-
sitgamois, tan Gisolg meltamtog tel
agnotemoes sagnoei ilagotaganigtog.

Agtatpag alasotmeoi Maoiðmi oig-
omolg etjig; 'Getj oetjgolet oeli not-
aogtigemoet, mset gisgatjoltig gileo,
nagsi aegatig.' Tjogoitag tóg, nig-
matot, nenotetematig telgigei pagat-
eittil, oitjeoatig notjótogatitjig; maoi
alasomanetj, ipatji emtógoolanetj Gtj-
igolmaga gis enagoeig; olinmanetj
mesgigel eollettisotil neiatolgoi.

Melgitetemog, nigmatot, gese oegela
pama pestieoimgel, gtelemeo tan Sesos
tögesep mótjoatjitjeoiteg, telipatjitel-
sis, tel oantagi onmatjegsep, getoi
eollettis ag tel gsaloes. Aptj mgoitat-
emotjig oetji pgsingoes. Aptj gisgat-
gol eloeotil, notji pgonatjenealnagoel
ag notji alsomolgoel sapeotigtoga.

Ola gtjipestieoimg oeli ogsotemeg.
Töge getoi pestieoimg miamotj son-
eolmg.

Igalo igag goetameltimga, olos gi-
si malgetemeg.

AGNOTEMAGANTJITJEL

(Little News of the Tribe)

ELEGITNEOEI—moel melnigog am-
sgoes nagoeg gtjigos Sösep Peimol oig-
eg nogageg. Nesogoniteg gesgatjig
gagpesacaptig tapo gtagemelnaganat-
gel telaotitjig lnoog otapioaga. Mögoe
tel nenemittigo nige lnoog mosigisgo
tan lotjio mtonögt getoigag istage
sageoetjigeg lnoogig. L. P.

MIAOPOGEG gtagamgog—nepgigea-
ei tpep. 23—eollettig nigeoela tögaga
angooeigtoga elpa eta teleoem aloi-
atitjig angooesemoga, lög tjel etog
eollettis oegitjig mo tesig sagmao
tan pesgeoeiateget teleoem papoagenei
ntegsigtemagen, na natel me lög pig-
oei otjatottji tjinemog mimatjoagena,
mela neotettit na oelgomatj lög na
pigoei otatög otantjittja.

Noel Matieo geptin na tjinemog soel
gesittösit, tóg paseg tapogoolagesenig
ogotittijel nipogtoga, na negem gisigo
petösit, na elpatotji oetji mtögtet en-
isgoatji tjinemoa. Ogomoltjin tesitjig
tjinemog elitasenig, ag gato lög oeli
mtögalatisenel. N. G. P. M.

Notjinen, nigetj pihanimot otjit Inim

masi gittjitoeg tan telatemges papi-
löneg negela atjattemgega, apsatemges
gisna magitemges, gisna elpa etjigel-
atemgeseneg. Nim Atj.

Teli osami patatagatisenig lesolpag-
ig, tjel Gisolgoitog oetji igalosonig
Nepogot Nopogotönösolo (Papiloneoi
elegeotja, tög elalgeotjsena otjigan-
moet, tan teli gteoeitig mtsögo eli-
geneg testegigepitig, thisip Silosö ei-
geotjigotjsena otapatjtaneo omotgi-
oag lesolpocagig. Elmotitgeg hangig
ölegio aptagatemotitjig papilöneg, tep
etog soel mset apatjitatig. Gtlen tan
eoigasig pheil digatigenigtog (Pemi
Alasotmeolmingsoei) nipigtog 26.

PIGTOG OALNEG—gtjigos 5 iteg—
tjinemog pögtapoltitig, elmotitjig
nipogtög eli tiamogatitjig, na gela-
atitjig nagoeg oigoðo gisgatig elmo-
olaöga mao telaoit gteog \$40. Am-
mao sugögtig gägoei, pesgeoei ag
tan gögoei eomittij, galkittij ag oloðo
na masog negemöo metögitatjig mō-
goetj gögoet. Na neotitj tjinemog,
Piel Nagoet gisigo ag Piel Töni, Solan
Silipai ag Misoel Moin. Megöit gat
elmoga 8 sens ag gagpesag elt 8 sens.
N. M.

IGOTJITJEL—moel eli me-
eleot, mao Pöligap, msegigteteo tel
pestieoimg.

NATOAGENEG—maoi alasotmam-
ges getjigao ag geginnamimgesglapis
nanogonag. Oeli tögtemmäs mimatjoi-
nog. 135 pagapogootisenig, tög mitj-
oatjigt 22, oretjigeoei nagoeg 182 natji
alasotmatisenig, saliteoalos patlias
\$18.65 ag elp \$6.80 maoatasigsep otjit
solnaltitj, ag 6 tesitjig nigan apat-
gitemittitj, otjit negemöo: Nigil Peltig-
esgo, San Oat, Toma Palnape, Piel
Tanas, Piel Ginis ag Anli Gonteo met-
epenagiag tlei. Mesgig alames ellas-
igsep goetamoltimgag otjit Toma Pal-
napeög, teli ignemasesnele oteptamel
Malial.

Elp gisitasigsep tjinemog omaoiðm-
imoðo 14 tesitjig pigoetatjig, elapago-
senig pesemgeoeeg mesgig alasotmag-
emiglog ag eloitemasotigtog, netna oeg-
ela: Antle Oitne, Piel Tanas, Toma
Mogalem, Toma Tanas, San Ginis, Sö-
sep Saple, Lemi Anao, Piel Ginis, Piel
Sag Anao, Piel Ginis maltjeotj, Piel
Noel Piasog, Eglian Peimol, Toma Oemotj
ag sagmao Piel Tjolin. Thisip oigom-
osenig mset ogoitaneo tamel nigan-
pogoolis maoiðmigtog. Elapogoolis Piel
Ginis 7 tesitij, Piel Tanas 5, ag Ant-
le Oitne 2. Na otjit pallias igalasenel
Piel Ginis onigamogoolin, ag Antle on-
otji oigigelin; eln tepetog lög oles na-
toen otapoðoeim tan telottittij aglas-
leog 'Vice—President' na otjit tög mte-
tet tel igalot Piel Tanas.